



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

RESOLUCIÓN POLA QUE SE MODIFICA A RESOLUCIÓN NÚMERO 49756 DE DATA 23 DE OUTUBRO DE 2025 POLA QUE SE APROBAN AS BASES E A CONVOCATORIA DA 4ª EDICIÓN DO PREMIO “XOÁN VICENTE VIQUEIRA” DE INVESTIGACIÓN EN CIENCIAS SOCIAIS, HUMANIDADES, SUSTENTABILIDADE E INNOVACIÓN DO ANO 2025

Visto que, por causas sobrevenidas e imprevisibles no momento de aprobar a resolución inicial, resulta imposible o cumprimento do prazo de solicitude inicialmente establecido e considérase necesario proceder á modificación da mesma co fin de axustar o prazo garantindo así a correcta continuidade e finalización do procedemento,

RESOLVO:

Modificar a resolución número 49756/2025 de data 23 de outubro de 2025, pola que se aproban as bases e a convocatoria da 4ª edición do premio “Xoán Vicente Viqueira” de investigación en ciencias sociais, humanidades, sustentabilidade e innovación do ano 2025, no sentido de:

Onde dí:

O prazo de solicitude iniciárase o día 3 de novembro de 2025 ás 08:00 horas, e finalizará ás 14:00 horas do día 3 de decembro de 2025, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Debe dicir:

O prazo de solicitude iniciárase o día 17 de novembro de 2025 ás 08:00 horas, e finalizará ás 14:00 horas do día 17 de decembro de 2025, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Polo tanto, o **texto definitivo da resolución** é o seguinte:

RESOLVO:

Primeiro. Aprobar as Bases reguladoras da 4ª Edición do Premio “Xoán Vicente Viqueira” de Investigación en ciencias sociais, humanidades, sustentabilidade e innovación, que figuran no Anexo - Bases Reguladoras.

Segundo. Dispoñer a publicación das bases deste programa no Boletín Oficial da Provincia da Coruña.

Terceiro. Aprobar a convocatoria da 4ª Edición do Premio “Xoán Vicente Viqueira” de Investigación en ciencias sociais, humanidades, sustentabilidade e innovación, de conformidade coas bases reguladoras que figuran no Anexo – Bases Reguladoras.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

O prazo de solicitude iniciárase o día 17 de novembro de 2025 ás 08:00 horas, e finalizará ás 14:00 horas do día 17 de decembro de 2025, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Cuarto. Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións.

Quinto.- Aprobar o orzamento dos gastos derivados da convocatoria, que ascenden a un total de 23.500 €, de acordo co seguinte detalle:

| Concepto | Importe | Aplicación | Documento contable RC |
|---|-------------------------|-----------------|-----------------------|
| Premios | 19.500€ (6.500,00€ x 3) | 0612/3341/481 | 220250051110.1 |
| Honorarios do xurado, fixados de acordo co establecido na Base 30ª.4 das Bases de Execución do Orzamento para o ano 2025. | 4.000,00€ (800,00€ x 5) | 0612/3341/22609 | 220250051110.2 |

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.

ANEXO - BASES REGULADORAS



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

4ª Edición do Premio “Xoán Vicente Viqueira” de Investigación en ciencias sociais, humanidades, sustentabilidade e innovación do ano 2025

BASES

Primeira.- Obxecto

En memoria do filósofo, psicólogo e escritor Xoán Vicente Viqueira Cortón, e coa finalidade de recoñecer a actividade de investigación e innovación levada a cabo por persoas ou entidades que teñan destacado no ámbito das ciencias sociais e humanidades, a Deputación da Coruña convoca a 4ª edición do Premio “Xoán Vicente Viqueira” de investigación en ciencias sociais, humanidades, sustentabilidade e innovación, incluíndo disciplinas como a socioloxía, historia, xeografía, educación, ciencia política, economía, dereito, comunicación, filosofía, antropoloxía, estudos culturais ou similares.

Consta de tres modalidades diferenciadas:

A) Modalidade de premio á traxectoria de vida adicada á investigación nalgún dos ámbitos das ciencias sociais, as humanidades, a sustentabilidade e a innovación social ao longo dos últimos 30 anos.

B) Modalidade de premio á innovación científica nalgún dos ámbitos das ciencias sociais, as humanidades, a sustentabilidade e a innovación social.

C) Modalidade de premio á calidade dun traballo de investigación realizado por unha persoa investigadora nova nalgún dos ámbitos das ciencias sociais, as humanidades, a sustentabilidade e a innovación social.

Segunda.- Solicitantes e presentación de candidaturas

As solicitudes ou candidaturas deberán presentarse segundo os requisitos e regras específicas de cada modalidade, que se detallan a continuación:

A) Premio á traxectoria de vida adicada á investigación nalgún dos ámbitos das ciencias sociais, as humanidades, a sustentabilidade e a innovación social ao longo dos últimos 30 anos.

Nesta modalidade poderán presentar unha proposta de candidatura argumentada para a concesión do premio todas as persoas físicas ou xurídicas que realicen actividades de investigación e innovación no ámbito das ciencias sociais e humanidades.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

As persoas que formaren parte do xurado poderán propor unha candidatura que deberán presentar no rexistro xeral da Deputación cando menos 48 horas antes da sesión de deliberación. A Deputación remitirá estas candidaturas ao resto das persoas integrantes do xurado

Así mesmo, calquera socio do Instituto de Estudos e Investigación Psicosocial “Xoán Vicente Viqueira” poderá achegar unha candidatura ou avalar unha candidatura presentada por calquera persoa ou entidade allea ao Instituto, pero debidamente argumentada.

Cada propoñente só poderá presentar unha candidatura e non se admitrán autocandidaturas.

Requisitos das candidaturas

As persoas ou entidades propostas deberán ter a súa residencia ou sede social no territorio español e estar ligadas a proxectos que se desenvolvan ou relacionen coa investigación e innovación no ámbito das ciencias sociais e humanidades (incluíndo disciplinas como a socioloxía, historia, xeografía, educación, ciencia política, economía, dereito, comunicación, filosofía, antropoloxía, estudos culturais ou similares).

B) Modalidade de premio á innovación científica nalgún dos ámbitos das ciencias sociais, as humanidades, a sustentabilidade e a innovación social.

Nesta modalidade poderán participar persoas físicas ou xurídicas que teñan a súa residencia ou sede social no territorio español, con proxectos nalgún dos ámbitos das ciencias sociais, as humanidades, a sustentabilidade e a innovación social (incluíndo disciplinas como a socioloxía, historia, xeografía, educación, ciencia política, economía, dereito, comunicación, filosofía, antropoloxía, estudos culturais ou similares) non premiados nin seleccionadas en ningún outro certame.

C) Modalidade de premio á calidade dun traballo de investigación realizado por unha persoa investigadora nova nalgún dos ámbitos das ciencias sociais, as humanidades, a sustentabilidade e a innovación social.

Nesta modalidade poderán participar persoas investigadoras con idade máxima de 35 anos que teñan a súa residencia no territorio español, con traballos de investigación nalgún dos ámbitos das ciencias sociais, as humanidades, a sustentabilidade e a innovación social (incluíndo disciplinas como a socioloxía, historia, xeografía, educación, ciencia política, economía, dereito, comunicación, filosofía, antropoloxía, estudos culturais ou similares) non premiados nin seleccionadas en ningún outro certame.

Cuarta.- Dotación



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

Establécense tres premios, dotados con **6.500 €** cada un deles, para cada unha das tres modalidades.

Esta cantidade está suxeita ás retencións legais que lle foren aplicable

Os premios poderán quedar desertos e tamén ser concedidos con carácter ex aequo; neste caso, o seu importe repartirase proporcionalmente entre as persoas e/ou entidades que resultaren premiadas.

Os premios non poderán concederse a título póstumo, sen prexuízo dos dereitos de sucesión que poidan exercerse se as persoas premiadas falecesen despois da decisión do xurado.

Quinta.- Prazo

O prazo de solicitude **iniciarase o día 17 de novembro de 2025 ás 08:00 horas, e finalizará ás 14:00 horas do día 17 de decembro de 2025**, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Sexta.- Tramitación da solicitude

As solicitudes presentaranse de xeito telemático, a través da plataforma de tramitación electrónica da Deputación (SUBTEL).

Dado que a tramitación será telemática:

- Quen presente a solicitude deberá dispoñer dun único enderezo electrónico de contacto durante a tramitación do expediente, ao que se dirixirán as comunicacións; excepcionalmente, e de xeito xustificado, poderá modificar este enderezo inicial, sempre e cando se notifique o dito cambio á Deputación
- Quen presente a solicitude deberá dispoñer de certificado dixital
- A solicitude e toda a documentación estará asinada pola persoa que presenta a solicitude
- A presentación telemática producirá plenos efectos xurídicos, sempre que a solicitude sexa presentada dentro do prazo establecido e na plataforma citada. Non se terán por presentadas as solicitudes que se acheguen noutros rexistros
- Serán rexeitadas automaticamente as solicitudes que conteñan documentos electrónicos que incorporen código malicioso ou dispositivo susceptible de afectar á integridade ou seguridade do sistema, omitan documentos esixidos, non se cumprimenten os campos requiridos como obrigatorios ou cando conteñan incongruencias ou omisións que impidan o seu tratamento

A documentación a presentar é a seguinte:



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

- Acreditación da representación no caso de persoas xurídicas solicitantes
- Memoria explicativa do proxecto ou da traxectoria da persoa proposta, na que se recollan os seguintes datos da persoa ou entidade que presenta a candidatura ou que é obxecto da mesma:
 - Nome da persoa, institución, organismo, empresa, entidade ou colectivo; NIF
 - Nome representante, NIF
 - Enderezo postal
 - Teléfono
 - Enderezo electrónico
 - Enderezo web
 - Méritos que se alegan para a proposta de candidatura, tendo en conta os criterios explicados na base sétima desta convocatoria.
- Documentación acreditativa dos méritos da candidatura proposta

Na modalidade A os solicitantes deberán aportar a maiores declaración de conformidade da persoa/entidade proposta coa presentación da candidatura.

Sétima.- Xurado

O xurado estará presidido pola persoa que ocupe a presidencia da Deputación ou persoa en quen delegue, quen actuará con voz e sen voto, e formarán parte del cinco persoas de recoñecido prestixio nalgún dos ámbitos das ciencias sociais, as humanidades, a sustentabilidade e a innovación social.

- A Deputación nomeará a tres membros do xurado.
- O concello de Bergondo nomeará a un membro do xurado.
- O Instituto de Estudos e Investigación Psicosocial “Xoán Vicente Viqueira” nomeará a un membro do xurado.

No caso de formar parte do xurado algún dos membros electos do Concello de Bergondo, deberá actuar con voz pero sen voto.

As funcións de secretaría exerceraas a Secretaría da Corporación, ou a funcionaria ou funcionario en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto na Lei 7/2023, do 30 de novembro, para a igualdade efectiva de mulleres e homes de Galicia

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, do 1 de outubro, de réxime xurídico do sector público.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

A composición do xurado darase a coñecer, con anterioridade á súa reunión, no taboleiro de anuncios da sede electrónica, co fin de que se poidan interpor, se for o caso, os recursos legais pertinentes.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: Órganos colexiados das distintas administracións públicas”, artigos 15 a 18, no que se refire tanto á validez da súa constitución, como á actuación do xurado.

As deliberacións serán secretas e delas serán estendidas as actas correspondentes.

Oitava.- Concesión e pago

Para conceder os premios o xurado terá en conta os seguintes criterios:

A) Premio á traxectoria de vida adicada á investigación nalgún dos ámbitos das ciencias sociais, as humanidades, a sustentabilidade e a innovación social ao longo dos últimos 30 anos.

- Cualificación a nivel internacional. Recoñecemento científico por parte de institucións ou entidades relacionadas coa investigación científica no ámbito das ciencias sociais, as humanidades, a sustentabilidade ou a innovación social. Valorarase o seu recoñecemento académico, científico, así como outros premios ou distincións que teñan destacado a súa labor.

- Impacto social e científico do conxunto de todo o seu traballo científico ao longo da súa carreira no ámbito social, académico e de transferencia á sociedade, empresas ou á comunidade. Neste apartado valorarase a calidade, número e impacto de proxectos de investigación obtidos en concurrencia competitiva en convocatorias locais, nacionais e internacionais, así como contratos con empresas, organizacións ou Administracións de interés no ámbito do Premio.

- Publicacións no ámbito do premio. Neste apartado valoraranse as publicacións en revistas nacionais e internacionais de prestixio, así como libros publicados en editoriais recoñecidas, a súa calidade e impacto.

B) Premio á innovación científica nalgún dos ámbitos das ciencias sociais, as humanidades, a sustentabilidade e a innovación social.

- Calidade científica dun traballo de investigación ou dun conxunto de traballos relacionados sobre unha temática innovadora dentro do ámbito das ciencias sociais, as humanidades, a sustentabilidade, ou a innovación social. Valorarase o impacto do traballo no ámbito social, académico-científico e de transferencia á sociedade, empresas ou á comunidade.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

- Publicacións do traballo ou conxunto de traballos presentado. Valorarase que o traballo ou conxunto de traballos relacionados estén publicados en revistas científicas nacionais ou internacionais recoñecidas, e deben suponer innovación no ámbito do premio e seren referenciadas por outros profesionais do seu campo.

- Capacidade de transferencia da investigación realizada e innovación no ámbito da empresa, á comunidade ou á sociedade en xeral. Valoraranse aqueles aspectos que se teñan desenvolvido, mellorado ou implementado no ámbito empresarial, comunitario ou político.

C) Premio á calidade dun traballo de investigación realizado por unha persoa investigadora nova nalgún dos ámbitos das ciencias sociais, as humanidades, a sustentabilidade e a innovación social.

- Calidade científica dun traballo de investigación realizado no ámbito do premio. Valorarase que os resultados da investigación estean publicados nunha revista científica recoñecida, de ámbito nacional ou internacional.

- Cualificación científica do/a investigador ou investigadora a nivel nacional e internacional.

Valorarase aquí tanto as publicacións en revistas científicas con índice de impacto que teña o investigador ou investigadora no seu curriculum investigador, como a valoración por parte doutras institucións e referencias ao seu traballo nos índices científicos do campo.

- Valor atribuído da transferencia do coñecemento da investigación á sociedade ou á empresa. Valorarase aquí a aplicación do traballo de investigación no ámbito social, académico-científico e de transferencia á sociedade, empresas ou á comunidade.

O xurado poderá valorar outros méritos, que dará a coñecer, das persoas, colectivos ou entidades que se propoñan.

A proposta de concesión que formule o xurado será obxecto da resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

A resolución de concesión dos premios será dada a coñecer a través do Boletín Oficial da Provincia.

Para o cobro do premio, deberán presentar a seguinte documentación:



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social
Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social
- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña.
- Certificación da titularidade de conta, expedida pola entidade bancaria

A presentación desta documentación realizarase, no caso das persoas que teñan presentada a súa solicitude a través da plataforma de tramitación electrónica da Deputación (SUBTEL), mediante esa mesma vía.

O resto das persoas interesadas deberán presentala preferentemente por medios electrónicos, a través do modelo “achega de documentación complementaria” dispoñible na sede electrónica da Deputación da Coruña, podendo tamén presentala en calquera dos lugares e rexistros establecidos na normativa reguladora do procedemento administrativo común.

A concesión e o pago das modalidades B) e C) serán publicadas na BDNS.

Novena.- Protección de datos

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en:

- A páxina web e perfís en redes sociais da Deputación
- Filmacións destinadas á promoción da actividade
- Publicacións para dar a coñecer a actividade

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición,



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPd pode reclamar perante a AEPD.

Poden consultar máis información relacionada coa protección de datos na nosa [Política de Privacidade](#) ou dirixindo un correo a delegadodeprotecciondedatos@dacoruna.gal.

Décima.- Aceptación das bases

A participación nesta convocatoria supón a total aceptación destas bases.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

ANEXO - EXTRACTO DA CONVOCATORIA

GALEGO

De conformidade co previsto nos artigos 17.3.b) e 20.8.a) da Lei 38/2003, de 17 de novembro, xeral de subvencións, publícase o extracto da convocatoria da 4ª Edición do Premio “Xoán Vicente Viqueira” de Investigación en ciencias sociais, humanidades, sustentabilidade e innovación. O texto completo do premio pode consultarse na Base de Datos Nacional de Subvencións.

Primeiro. Beneficiarios

Os beneficiarios dependen da modalidade:

A) Premio á traxectoria de vida adicada á investigación nalgún dos ámbitos das ciencias sociais, as humanidades, a sustentabilidade e a innovación social ao longo dos últimos 30 anos.

Nesta modalidade poderán presentar unha proposta de candidatura argumentada para a concesión do premio todas as persoas físicas ou xurídicas que realicen actividades de investigación e innovación no ámbito das ciencias sociais e humanidades.

As persoas ou entidades propostas deberán ter a súa residencia ou sede social no territorio español e estar ligadas a proxectos que se desenvolvan ou relacionen coa investigación e innovación no ámbito das ciencias sociais e humanidades (incluíndo disciplinas como a socioloxía, historia, xeografía, educación, ciencia política, economía, dereito, comunicación, filosofía, antropoloxía, estudos culturais ou similares).

B) Modalidade de premio á innovación científica nalgún dos ámbitos das ciencias sociais, as humanidades, a sustentabilidade e a innovación social.

Nesta modalidade poderán participar persoas físicas ou xurídicas que teñan a súa residencia ou sede social no territorio español, con proxectos nalgún dos ámbitos das ciencias sociais, as humanidades, a sustentabilidade e a innovación social (incluíndo disciplinas como a socioloxía, historia, xeografía, educación, ciencia política, economía, dereito, comunicación, filosofía, antropoloxía, estudos culturais ou similares) non premiados nin seleccionadas en ningún outro certame.

C) Modalidade de premio á calidade dun traballo de investigación realizado por unha persoa investigadora nova nalgún dos ámbitos das ciencias sociais, as humanidades, a sustentabilidade e a innovación social.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

Nesta modalidade poderán participar persoas investigadoras con idade máxima de 35 anos que teñan a súa residencia no territorio español, con traballos de investigación nalgún dos ámbitos das ciencias sociais, as humanidades, a sustentabilidade e a innovación social (incluíndo disciplinas como a socioloxía, historia, xeografía, educación, ciencia política, economía, dereito, comunicación, filosofía, antropoloxía, estudos culturais ou similares) non premiados nin seleccionados en ningún outro certame.

Segundo. Obxecto

En memoria do filósofo, psicólogo e escritor Xoán Vicente Viqueira Cortón, e coa finalidade de recoñecer a actividade de investigación e innovación levada a cabo por persoas ou entidades que teñan destacado no ámbito das ciencias sociais e humanidades, a Deputación da Coruña convoca a 4ª edición do Premio “Xoán Vicente Viqueira” de investigación en ciencias sociais, humanidades, sustentabilidade e innovación.

Terceiro. Bases reguladoras

A presente convocatoria rexerase polas Bases reguladoras publicadas no BOP.

Cuarto. Contía

O importe da consignación ascende a un total de 19.500,00 €, con cargo á partida 0612/3341/481 do Orzamento ordinario para 2026.

Establécense tres premios, dotados con 6.500 € cada un deles, para cada unha das tres modalidades.

Os premios poderán quedar desertos e tamén ser concedidos con carácter ex aequo; neste caso, o seu importe repartirase proporcionalmente entre as persoas e/ou entidades que resultaren premiadas.

Quinto. Prazo de presentación de solicitudes

O prazo de solicitude iniciárase o día 17 de novembro de 2025 ás 08:00 horas, e finalizará ás 14:00 horas do día 17 de decembro de 2025.

Sexto. Outros datos

A convocatoria tramitarase de xeito telemático, a través da plataforma de tramitación electrónica da Deputación (SUBTEL).



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

CASTELLANO

De conformidad con lo previsto en los artículos 17.3.b) y 20.8.1a) de la Ley 38/2003, de 17 de noviembre, General de Subvenciones, se publica el extracto de la convocatoria de la 4ª Edición del Premio “Xoán Vicente Viqueira” de Investigación en ciencias sociales, humanidades, sostenibilidad e innovación. El texto completo de las Bases del premio puede consultarse en la Base de datos Nacional de Subvenciones

Primero. Beneficiarios

Los beneficiarios dependen de la modalidad:

- A) Premio a la trayectoria de vida dedicada a la investigación en alguno de los ámbitos de las ciencias sociales, las humanidades, la sostenibilidad y la innovación social a lo largo de los últimos 30 años.

En esta modalidad podrán presentar una propuesta de candidatura argumentada para la concesión del premio todas las personas físicas o jurídicas que realicen actividades de investigación e innovación en el ámbito de las ciencias sociales y humanidades.

Las personas o entidades propuestas deberán tener su residencia o sede social en el territorio español y estar ligadas a proyectos que se desarrollen o relacionen con la investigación e innovación en el ámbito de las ciencias sociales y humanidades (incluyendo disciplinas como la sociología, historia, geografía, educación, ciencia política, economía, derecho, comunicación, filosofía, antropología, estudios culturales o similares).

- B) Modalidad de premio a la innovación científica en alguno de los ámbitos de las ciencias sociales, las humanidades, la sostenibilidad y la innovación social.

En esta modalidad podrán participar personas físicas o jurídicas que tengan su residencia o sede social en el territorio español, con proyectos en alguno de los ámbitos de las ciencias sociales, las humanidades, la sostenibilidad y la innovación social (incluyendo disciplinas como la sociología, historia, geografía, educación, ciencia política, economía, derecho, comunicación, filosofía, antropología, estudios culturales o similares) no premiados ni seleccionados en ningún otro certamen.

- C) Modalidad de premio a la calidad de un trabajo de investigación realizado por una persona investigadora noticia en alguno de los ámbitos de las ciencias sociales, las humanidades, la sostenibilidad y la innovación social.

En esta modalidad podrán participar personas investigadoras con edad máxima de 35 años que tengan su residencia en el territorio español, con trabajos de investigación en alguno de los



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2024000043887

Convocatoria: 2025 PREM-XV

ámbitos de las ciencias sociales, las humanidades, la sostenibilidad y la innovación social (incluyendo disciplinas como la sociología, historia, geografía, educación, ciencia política, economía, derecho, comunicación, filosofía, antropología, estudios culturales o similares) no premiados ni seleccionados en ningún otro certamen.

Segundo. Objeto

En memoria del filósofo, psicólogo y escritor Xoán Vicente Viqueira Cortón, y con la finalidad de reconocer la actividad de investigación e innovación llevada a cabo por personas o entidades que hayan destacado en el ámbito de las ciencias sociales y humanidades, la Diputación de A Coruña convoca la 4ª edición del Premio “Xoán Vicente Viqueira” de investigación en ciencias sociales, humanidades, sostenibilidad e innovación.

Tercero. Bases reguladoras

La presente convocatoria se regirá por las Bases reguladoras publicadas en el BOP.

Cuarto. Cuantía

El importe de la consignación asciende a un total de 19.500,00 €, con cargo a la partida 0612/3341/481 del Presupuesto ordinario para 2026.

Se establecen tres premios, dotados con 6.500 € cada uno de ellos, para cada una de las tres modalidades.

Los premios podrán quedar desiertos y también ser concedidos con carácter ex aequo; en este caso, su importe se repartirá proporcionalmente entre las personas y/o entidades que resultar premiadas.

Quinto. Plazo de presentación de solicitudes

El plazo de solicitud se iniciará el día 17 de noviembre de 2025 a las 08:00 horas, y finalizará a las 14:00 horas del día 17 de diciembre de 2025.

Sexto. Otros datos

La convocatoria se tramitará de manera telemática, a través de la plataforma de tramitación electrónica de la Diputación (SUBTEL).